

Broj: 09-14-6-4247-21/18
Datum: 29.11.2018. godine.

Na osnovu člana 70. st. (1) i (4) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem, broj: 03-05-1-1669/18 od 13.03.2018. godine, federalna ministrica financija/finansija d o n o s i

O D L U K U
O PONIŠTENJU POSTUPKA JAVNE NABAVKE ROBA -
TONERA I KETRIDŽA ZA POTREBE FEDERALNOG MINISTARSTVA
FINACIJA/FINANSIJA
(ponovljeni postupak)

I

Poništava se otvoreni postupak javne nabavke roba – tonera i ketridža za potrebe Federalnog ministarstva financija/finansija, evidencijski broj nabavke: 09-14-6-4247-1/18, broj obavještenja o nabavci sa portala javnih nabavki: 810-1-1-63-3-8/18 od 24.07.2018. godine, broj ispravke obavještenja o nabavci sa portala javnih nabavki: 810-1-1-63-8-9/18 od 30.07.2018. godine, sažetak obavještenja objavljen u „Službenom glasniku BiH – Oglasnik javne nabavke“, broj: 52/18, sažetak ispravke obavještenja o nabavci objavljen u „Službenom glasniku BiH – Oglasnik javne nabavke“, broj: 54/18, jer nijedna od primljenih ponuda nije prihvatljiva, u skladu sa članom 69. stav (2) tačka d) Zakona.

II

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka, broj: 09-14-6-4247/18 od 29.06.2018. godine. Javna nabavka provedena je putem otvorenog postupka nabavke. Procijenjena vrijednost nabavke iznosila je 30.000,00 KM bez PDV-a i predviđena je Planom javnih nabavki za 2018. godinu Ministarstva, dio I Robe, pod rednim brojem 7. – toneri i ketridži. Obavijest o nabavci, broj: 810-1-1-63-3-8/18 poslana je na objavu 24.07.2018. godine, te je zajedno sa tenderskom dokumentacijom, istog dana objavljena na portalu Javnih nabavki. Ispravka obavještenja o nabavci, broj: 810-1-1-63-8-9/18 poslana je na objavu 30.07.2018. godine. Sažetak obavještenja objavljen u „Službenom glasniku BiH – Oglasnik javne nabavke“, broj: 52/18, sažetak ispravke obavještenja o nabavci objavljen u „Službenom glasniku BiH – Oglasnik javne nabavke“, broj: 54/18. Predviđeno je zaključivanje okvirnog sporazuma sa jednim ponuđačem na 1 godinu.

Tendersku dokumentaciju preuzelo je 14 privrednih subjekata, a 4 ponuđača dostavila su ponude u predmetnom postupku nabavke. Sve ponude su dostavljene blagovremeno. Ponude su dostavili sljedeći ponuđači: Plan Plus d.o.o. Zenica, Alf-om d.o.o. Banja Luka, PJ Istočno Sarajevo, Ekoprint d.o.o. Banja Luka i Defter d.o.o. Sarajevo.

Komisija za javne nabavke, imenovana Rješenjem, broj: 03-05-1-1669/18 13.03.2018. godine, izvršila je pregled i evaluaciju pristiglih ponuda, te konstatovala da je ponuda ponuđača Plan Plus d.o.o. Zenica ocijenjena prihvatljivom, a da se ponude ponuđača: ALF – OM d.o.o. Banja Luka PJ Istočno Sarajevo, Ekoprint d.o.o. Banja Luka i Defter d.o.o. Sarajevo odbacuju kao neprihvatljive.

Komisija je donijela Zapisnik o pregledu i ocjeni ponuda sa Preporukom federalnoj ministrici o izboru najpovoljnijeg ponuđača, broj: 09-14-6-4247-11/18 od 27.08.2018. godine, na osnovu koje je donešena Odluka o izboru najpovoljnijeg ponuđača, broj: 09-14-6-4247-12/18 od 28.08.2018. godine i to ponuđač Plan Plus d.o.o. Zenica, kao jedina prihvatljiva ponuda za ponuđenu cijenu u iznosu od 28.825,60 KM bez PDV-a.

U žalbenom roku na predmetnu Odluku izjavljena je Žalba od strane ponuđača Defter d.o.o. Sarajevo. Ugovorni organ je postupajući u skladu sa članom 100. stav (5) Zakona o javnim nabavkama Žalbu zajedno sa Izjašnjenjem i dokumentacijom prosljedio na nadležno postupanje Uredu za razmatranje žalbi Bosne i Hercegovine. Postupajući u drugostepenom upravnom postupku, Ured je, rješavajući o Žalbi žalitelja donio Rješenje, broj: JN2-03-07-1-1244-12/18 od 31.10.2018. godine, kojim je žalbu žalitelja Defter d.o.o. Sarajevo usvojio, poništio Odluku o izboru najpovoljnijeg ponuđača, broj: 09-14-6-4247-12/18 od 28.08.2018. godine i predmet vratio ugovornom organu na ponovni postupak odnosno ponovnu evaluaciju ponuda.

U ponovnom postupku pregleda i ocjene ponuda, zatraženo je od ponuđača da produže opcije ponuda, sa rokom važenja 30 dana. Produženje opcije ponude dostavili su ponuđači: Defter d.o.o. Sarajevo i ALF – OM d.o.o. Banja Luka PJ Istočno Sarajevo, te su time ispunili uslov da dostavljene ponude mogu biti predmet ponovnog pregleda i ocjene istih. Ostali ponuđači nisu dostavili produženje opcije ponuda, te zbog toga nisu bili ni predmet ponovne evaluacije ponuda.

Nakon provjere formalne ispravnosti ponuda, Komisija je pristupila daljoj analizi istih u smislu provjere sadržaja i validnosti priložene dokumentacije. U skladu sa uputom Ureda, koja se odnosi na postupanje Ugovornog organa, Komisija je u daljem postupku evaluacije, nakon izvršene tehničke procjene ponuda, konstatovala da ponude ponuđača Defter d.o.o. Sarajevo i ALF – OM d.o.o. Banja Luka PJ Istočno Sarajevo ne ispunjavaju tehničke/kvalifikacione uvjete propisane tenderskom dokumentacijom, te da su iste neprihvatljive. Ponovnim uvidom u ponude ponuđača Defter d.o.o. Sarajevo i ALF – OM d.o.o. Banja Luka PJ Istočno Sarajevo, Komisija je utvrdila sljedeće: Ponuda ponuđača ALF – OM d.o.o. Banja Luka, PJ Istočno Sarajevo, sa registriranim sjedištem u ul. V.R.Putnika br. 38, Istočno Sarajevo, ID broj: 4400810890005, odbacuje se kao neprihvatljiva iz sljedećeg razloga: Ugovorni organ je dana 01.08.2018. godine izvršio izmjenu tenderske dokumentacije, broj: 09-14-6-4247-4/18 i objavio izmjenu iste na portalu javnih nabavki. Prilikom izmjene općih odredbi tenderske dokumentacije, izmijenjeni su i sljedeći Aneksi, koji

čine sastavni dio tenderske dokumentacije: Aneks 2 (Obrazac za dostavljanje ponude), Aneks 3 (Obrazac za cijenu ponude – robe) i Aneks 9 (Nacrt okvirnog sporazuma), koji su također zajedno sa tenderskom objavljeni na portalu javnih nabavki istog dana odnosno 01.08.2018. godine. U vezi sa gore navedenim, ponuđač ALF – OM d.o.o. Banja Luka je preuzeo izmjenu tenderske dokumentacije, dana 01.08.2018. godine u 08.46 sati i prilikom pripreme ponude koristio je izmijenjene obrasce (Aneks 2 i Aneks 9), ali ne i Aneks 3 – Obrazac za cijenu ponude – robe. Komisija je prilikom evaluacije ponude konstatirala da ponuđač nije koristio izmijenjeni Obrazac za cijenu ponude – robe, nego je popunio i u ponudi dostavio prvobitni Obrazac za cijenu ponude – robe (Aneks 3), koji je činio sastavni dio tenderske dokumentacije prije izmjena iste. U tački 16. Obrazac za cijenu ponude tenderske dokumentacije, propisano je da cit...“Ponuđač je dužan dostaviti popunjen Obrazac za cijenu ponude u skladu sa zahtjevima kako su definirani za sve stavke koje su sadržane u obrascu. U slučaju da ponuđač propusti popuniti obrazac u skladu s postavljenim zahtjevima za sve stavke koje su navedene, njegova ponuda će biti odbačena...” U vezi sa naprijed navedenim, Komisija je ponudu ponuđača ALF – OM d.o.o. Banja Luka odbacila kao neprihvatljivu.

Iz istog razloga, odbačena je i ponuda ponuđača Defter d.o.o. Sarajevo, sa registriranim sjedištem u ul. Gatačka br. 20, Sarajevo, ID broj: 4200303990007, dakle ponuđač nije koristio izmijenjeni Aneks 3 - Obrazac za cijenu ponude – robe, iako je preuzeo izmjenu tenderske dokumentacije sa portala javnih nabavki 01.08.2018. godine u 09.11 sati, a prilikom pripreme ponude koristio je izmijenjene Aneks: Aneks 2 (Obrazac za dostavljanje ponude) i Aneks 9 (Nacrt okvirnog sporazuma).

Imajući u vidu naprijed navedeno, Komisija je ponovnim pregledom ponuda ponuđača, konstatovala da isti nisu ispunili uvjete tražene tenderskom dokumentacijom, te je ponude ponuđača Defter d.o.o. Sarajevo i ALF – OM d.o.o. Banja Luka PJ Istočno Sarajevo odbacila kao neprihvatljive.

Nakon izvršenog ponovnog pregleda i ocjene ponuda, Komisija za javne nabavke, dostavila je federalnoj ministrici Zapisnik o pregledu i ocjeni ponuda, broj: 09-14-6-4247-20/18 od 28.11.2018. godine zajedno sa Preporukom da se donese Odluka o poništenju postupka, za predmetnu nabavku.

S obzirom na to da nijedna od primljenih ponuda nije prihvatljiva ispunjeni su uslovi za poništenje predmetnog postupka nabavke, u skladu sa članom 69. stav (2) tačka d) Zakona.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, može se izjaviti žalba Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

1. Svim ponuđačima
2. U dokumentaciju Komisije
3. Sektoru za ekonomske, finansijske i zajedničke poslove
4. a/a

